



Aiā o Matua

Tautua Faaliliuupu

E iai i matua uma le aia e maua ai faamatalaga e uiga i a'oa'oga a latou fanau i se gagana latou te malamalamaina. Pe a lesitalaina lou alo i le a'oga, e fesiligia e le a'oga po o le a le gagana e te faaaogaina pe a fesoota'i ma le a'oga. E fesoasoani lea i le a'oga e iloa ai ou manaoga tau gagana ina ia faia ai se faaliliuupu pe faaliliu tusitusiga, e aunoa ma se totogi.

O mea e mafaia ona e faatalitalia mai le a'oga ma le itumalo

O oe o se vala taua o le a'oa'oga a lou alo!

E tatau i le a'oga ona fesoota'i ma oe- il ou lava gagana-e uiga i le a'oa'oga a lou alo. E tele ina aofia ai tusitusiga ua faaliliuina ma se tagata faaliliu i fono ma talanoaga.

E iai lou aia i nei sauniuniga e tusa pe e te iloa ni upu i le Igilisi ma e mafai e lou alo ona faitau pe tautala i le Igilisi.

E tatau i le a'oga ona fesoota'i ia oe **i lou gagana** e uiga i faamatalaga taua ma avanoa e maua mo lou alo. E aofia ai faamatalaga e uiga i le:

- Resitalaina ma tusi le igoa i le a'oga
- Togi e maua, faatulagaga tau a'oa'oga, ma faauuga
- Faatonuga a le a'oga ma faasalaga o tamaiti a'oga
- Auai, le a'oga, ma le alu ese
- Faatagaga a matua mo gaoioiga ma polokalama
- Soifua maloloina, saogalemu, ma faafitauli faafuase'i
- Tapunia o le a'oga
- Avanoa e oo ai i polokalama po o tautua- e aofia ai le lava saunia, tulaga maualuga, ma polokalama e a'o ai le Igilisi
- A'oa'oga faapitoa ma tautua mo tamaiti a'oga e le atoatoa le malosi

Fonotaga ma talanoaga e fai ma faia'oga ma tagata galulue i le a'oga

Pe a e talanoa atu i faia'oga po o tagata galue i le fale a'oga, e tatau e le a'oga ona ofo atu se tagata faaliliu pe a e manaomia. E aofia ai fono a matua-faia'oga, fono o a'oa'oga faapitoa, po o seisi lava talanoaga e uiga i a'oa'oga a lou alo.

E tatau i le a'oga ona faaaoga na o tagata faaliliu e malamalama lelei i le faa-Igilisi ma lou gagana. E tatau i le a'oga ona faamautinoa e malamalama le tagata faaliliu i upu ma manatu o le a talanoaina i le fono. E tatau i le a'oga ona alofia le faaaoga o fanau po o tamaiti a'oga e faia le faaliliuga.

O le faaliliuupu e tatau ona le faaitu'au ma na te faailoa atu mea uma o loo talanoaina. E le tatau ona latou aveesea pe faaopopo i faamatalaga o loo faia. E tatau i le a'oga ona faamautinoa e malamalama le tagata faaliliu lona tulaga ma le manaoga ia puipuia faamatalaga mai le lautele. O le faaliliu e ono iai faatasi poo le telefoni ma e mafai ona avea o se tasi e galue mo le itumalo a le a'oga po o se isi tagata konekarate mai fafo.

E tatau i le a'oga ona ofo atu se tagata faaliliu mo so o se fono po o se talanoaga e faia i le a'oga pe e uiga atu i le a'oa'oga a lou alo. E mafai foi ona fesiligia le a'oga pe afai e te manaomia.



Faamatalaga tusitusia

E tatau i le a'oga ona faaliliu faamatalaga tusitusia i gagana e masani ona talanoaina ile itumalo a le a'oga. Afai e maua faamatalaga e le o i lau gagana, faamolemole ia faailoa i le a'oga pe afai e te manaomia se faaliliuga tusitusia pe faamatalaina tuugutu i lau gagana.

O le tali atu i popolega ma faaseā

O ou aia tatau nei!

E tusa ai ma tulafono a le setete ma feterale mo tagatanuu, e iai lou aia e maua ai faamatalaga i lau gagana. Afai e iai ni ou popolega e uiga i tautua a le a'oga i faaliliuga - po ua le ofoina mai se faaliliuupu sa e manaomia- e iai nisi laasaga e mafai ona e uia.

1. **Talanoa i le pule a le a'oga po o se isi tagata galue i le a'oga e te masani iai.** E sili ona lelei pe a amata i le talanoa i le pule o le a'oga e uiga i ou popolega. Faamatala le mea ua tupu, ma faailoa i le pule o le a'oga se mea e mafai ona latou faia e fo'ia ai le faafitauli.
2. **Talanoa i le itumalo a lou a'oga.** E mafai foi ona e fesoota'i i le itumalo o le a'oga e faailoa ai ou popolega. E mafai ona e valaau i le sooupu mo aia tau tagatanuu poo le pule o le ofisa o le itumalo.
3. **Fesili mo se fesoasoani ia fo'ia ou popolega.** E mafai foi ona e faafesoota'i ia ofisa mo nisi faamatalaga e uiga i ou aia tatau poo fesoasoani mo le fo'ia o ou popolega.

Ofisa mo Faiga Tutusa ma Aia Tatau Tagatanuu
Ofisa o le Pule o Faatonuga Lautele
360-725-6162 | www.k12.wa.us/equity

Ofisa o Sui Una'i Tau A'oa'oga
206-729-3251 | oeo.wa.gov

4. **E mafai ona e failaina se tagi.** A faila se tagi, faamatala le mea na tupu i se tusi - i soo se gagana - ma lafo i le itumalo i le meli, imeli, pe tuulima atu. Ia mautinoa ua teu sau kopi totino.

I le 30 aso faakalena, o le a iloilo e le itumalo lau tagi ma tali atu ia te oe i se tusi. O nisi faamatalaga e uiga i laasaga o lau tagi e maua i le intaneti i le:
www.k12.wa.us/Equity/Complaints.aspx.

Faamolemole ia e silafia e le mafai e le a'oga ona toe fai atu se faiga tetee ia oe poo lou alo ona o le faailoa o se popolega poo e failaina o se tagi.

